


La Luna



Un satellite natural

La Luna es pas un **planeta** mas l'unic **satellite** natural de la Tèrra. Son rai correspond al quart de lo de nòstra planeta. N'es alunhada de 385 000 km. Es trop pichona per conservar un **atmosfèri**.



Traça la Luna a l'escala de la Tèrra puèi colora aqueles dos **astres**.

A pas d'aiga jos forma liquida mas detecteron la preséncia de glaç al nivèl dels dos pòls. Sa susfàcia es pas d'una blancor unifòrma ; las zònjas mai escu-
ras se dison “**mars**” (*mer de la Sérénité, mer des Nuées...*). Los **meteorits** formè-
ron a sa susfàcia bravament de **cratèrs** per çò que fogueron pas destrusits per
una atmosfèri (que agís coma un “escut protector” a l'entorn de la Tèrra).


L'influéncia de la Luna sus la Tèrra

La Luna, que vira a l'entorn de la Tèrra per çò que aquela l'atrai per sa **gra-
vitat**, exercicís un efiech gravitacional sus nòstra planeta. Es responsabla, amb
lo Solelh, de las **marèas**, aqueste moviment ascendent e descendant de las
aigas de la mar e dels oceans. La Luna efectua una rotacion sus ela meteissa
dins lo meteis temps qu'efectua un torn complet a l'entorn de la Tèrra : li pre-
senta doncas totjorn lo meteis **emisfèri** (l'escais de l'autre es “**fàcia amagada**”)

de la Luna”). Efectua una **revolucion** a l'entorn de la Tèrra en 27 jorns e 7 oras.

Las fases de la Luna

La Luna es totjorn esclairada pel Solelh d'un biais identic mas sa posicion rapòrt a la Tèrra nos la fa percebre d'un biais different pendent los 29 jorns e mièg d'una lunason. Sonam aquestes aspèctes diferents las **fases de la Lu-
na**.



Colora de negre la susfàcia de la Luna pas esclairada pel Solelh sus cada representacion.

Los Òmes e la Luna

S'interessèt totjorn los astronòms e inspirèt los poètas, calguèt esperar lo 21 de julhet de 1969 per que los primiers Òmes se pausesson sus la Luna. Lo primièr a aver caminat dessús es l'astronaut american **Neil Armstrong** (1930 – 2012). Onze autres òmes lo seguiguèron ; totes fasián partida de las missions **Apollo**. Degun i tornèt pas dempuèi 1972.

Ai plan compres...

Pòdi explicar lo sens dels mots **en gras** del tèxte.